

松陰詩集

吉田義卿著

下

御子神文庫		
共	第	第
二		
冊	號	函

柳田文庫
 文庫11
 A1254
 2



文庫11
A/254
2

柳田泉文庫

御子神藏書



松陰詩集卷之下

長門 吉田義卿 著

西征殘稿

癸丑九月十八日。決策發江戸。西到肥筑。其間興發意會。乃作歌詩。時胸中多緒。隨作隨棄。不復愛惜也。及其十二月。復入江戸。卸裝於確齋家。明年三月。乃有下田之厄。其後在獄。追懷往昔。作幽囚錄。而前日之歌詩。日夕不離口角者。尚有數首。收諸附錄。自謂盡于此矣。今茲五月。外弟清太。以確齋遺言。携裝中故紙一囊。還披

松陰詩集卷之下

而閱之。斷簡零墨。歌詩雜然。皆西遊物也。而事
殆如隔世。雖自不覺前日有此作也。確齋今則
亾矣。掛劍之義。吾深愧其倒。而此作存不足觀。
棄又不忍。嗟。是前日隨作隨棄之餘也。今乃為之
綴拾存錄。其意亦可悲耳。燕辭陋調。並仍其舊。
得十三首。丁巳七月日。寅識。

憂菴云。尚有數首

四字。刪去如何。

又云。雖自二字刪。不下

加一復。覺作知如何。

又云。悲感之餘。不可無一詩。若有作

幸見示。已調。聊以和陽春白雪耳。

留別土谷松如

經生說經經亦亾。何望於國有所成。文士作文文雖
美。到底不免覆瓿醬。挽回此弊是誰任。堂堂之身未
可輕。朱絃綠竹半宵歡。勿誤英雄千歲名。

富士山

吾曾兩度過芙蓉。芙蓉何心潛三峰。今日更向三峰
行。三峰快現芙蓉容。料知芙蓉亦有心。欲向崑崙評
雌雄。

憂菴云。結一句。少露鋒穎。當時義卿意中可想見。

又云。更向五字。作余將趨西海心。作意如何。

荒井驛。邂逅肥後藩士津田山三郎。河瀨典次。

作詩贈別。

東下西上客。邂逅荒井亭。一見無他語。先惜日西傾。

憂菴云、二句轉接處大好、徘徊者流、尤用心于轉接其見自高、而近時詩人、作長篇者、往往忽之、恐不能知此等佳處、詩道亦下矣、噫、○又云、蓄在此中、說出東西

事。一嘆又一驚。東海東夷狀。西海西夷情。悲哉尚武國。

宴安忝神京。君行六七日。東將入武藏。憂菴云、武藏作城、似可、

都會地。世途觀經營。俗士固耽利。才子徒偷名。紛紛萬億

人。孰期皇道明。吾亦自以西。肥豐接豪英。再會定何

日。屈指數行程。行程亦邈矣。離合將何常。憂菴云、將何常三字、

作如浮萍、何如、分手數回顧。難捨心緒縈。

憂菴云、結末數句、淋漓悲壯、當時兩士知義卿志乎、

泊浪華

狂夫未必不思家。為國忘家何用嗟。中霄夢斷家安

在。夜雨短篷泊浪華。憂菴云、絕妙、又云、第一句起、第三句、第二句、應第一句、四句呼應自在、

御手洗。訪大原屋者。有詩次韵却示。

未掃虜氛不吟詩。翻因新句得新知。向君一語君當

記。豈是嘲花弄月時。

泊室津 周防

歸鄉夢斷淚潛夕。舟子喚醒是上關。蓬窓勿怪起來

晚。去國忍看故國山。

宿古武田 豐後

公集詩集卷之二

會於夢裡遇知音。覺見窓櫺月影臨。吾歌誰舞唱誰和。獨有乾坤照是心。

阿蘓山

東道望富士。三峰白祭々。西道望阿蘇。向背雲漫々。富士恰有情。不愧天下冠。阿蘓何怯懦。見吾乃逃遁。竒哉名山靈。識取英雄漢。

寬云結二句多少感慨亦以可見抱負之大矣

宿嶋原待舟

心上事百端。歸意急於箭。嶋城來求舟。三日失風便。胡虜果何情。出沒逞機變。廟堂果何議。將士奮思戰。孤悶無地遣。夢醒淚濺々。漫々火海水。思友不可見。

憂菴云。果何情三字。語氣似謂情不可解者。不如改作情不測。○又云。聲調雖稍下。亦是宋詩上乘。○又云。結二句。正始遺響。○又云。上作中。如何。

示肥後藩士今村乙五郎乙五郎。自誇健足。故結末戲之。

吾夢君々豈無意。君有意吾豈不酬。剛毅木訥君所稟。學進識長自罕儔。吾心千萬欲言事。請君向黃卷中求。惟恨與君未較脚。峻嶺千仞平地侔。

示熊本諸友

使酒好劍動怒嗔。豪談雄辯見天真。孔聖在陳嘆歸乎。豈得非思此種人。慎言謹行養名望。眉壽康寧世

争珍。漢疏廣受宋王且。其在朝也俗或比之鳳與麟。釀來因循姑息風。養成驕虜與強臣。吾來熊府接多士。熊府多士素温淳。聞吾鯨吞劍舞發浩歌。揭臂叱咤氣始振。苟使此氣塞天地。古道何曾憂荆榛。浮躁淺露似而非。巧言令色鮮矣仁。請見山岳巍々凌天起。江河蕩々捲地臻。

憂菴云筆下意到。咄嗟而辨。詩力可想見。但欠慘憺。經營意耳。○又云。乎風歌非等字。可改。七古平韻。一韻到底者。單句末不可用平字。王新城有說。可改。○又云。聞吾云々句。豪放四出。鋒銚全露。○又云。雙結自好。而作詩之至者。○寬按。評語作字。或非字誤。未詳。

一身

一身踪跡幾變更。難免不忠不孝名。膝下欠歡又幾歲。報國徼衷何日成。客夜遙々眠不得。孤燈照愁滅。又明。

憂菴云。有滂沛之勢。無鬱辟之態。有流暢之筆。無奇險之境。到底宋人氣象。但作者寫思慮。不可以聲調拘耳。

狂愚

狂愚誠可愛。才良誠可冀。狂常銳進取。愚常疎避趨。才多機變士。良多鄉原徒。流俗多顛倒。目人古今殊。才良非才良。狂愚豈狂愚。

憂菴云。却有古致。可以語韓昌黎。

予評義卿詩。不喜豪宕雄放。而喜沈鬱奇險。今閱此稿。二者之外。又別出一機軸。清健典麗。往往可誦。豈巨賈家無所不有者乎。

西遊稿。雖有不似詩語者。雖有聲調差下者。要自肺腑流出。當時意中可想見。

安政戊午夏日 口羽通琦妄言

丙辰

哭近澤啓藏

啓藏石見濱田藩士。癸丑春遊江戸。入平象山。山之門。與予交善。去年十月廿四日。病死于江戸。訃至即賦。

吾友近澤子。天何蚤奪年。求師擔笈去。不遠程三千。勤苦過絕人。勇往氣無前。吾共同志業。晨夕相周旋。獨惜意太多。術藝闕攻專。量又不稱志。於事動拘牽。頰殺福氣薄。眉攢憂色纏。吾嘗戲相曰。年壽隨憂蹇。訃至忽嗟愕。吾言不偶然。因憶前四歲。語吾江都阡。抱志來此土。不遂不生還。吾已苦囚繫。久絕鴻鯉傳。

子今棄世去。更為隔泉淵。嗟乎吾與子。曷不愍旻天。
松柳詩戒躁進也。二月三日

長隄栽楊柳。一雨長一雨。栽來僅月餘。烟罩春水浦。
裊々綠長條。翠々如青組。鬱蒼澗底松。年歲不可數。
聳幹高雲霄。蟠根深壤土。四時無改色。好與古栢伍。
舉世厭晚成。輕俊競進取。徒羨楊柳枝。嗤松為鈍魯。
誰知秋風起。柳葉委地腐。誰知栢與松。後凋歲寒苦。
天子起明堂。工師操斤斧。睥睨松栢林。棟梁及椳柱。
斯時柳與楊。千百無所補。寄語有心人。觀此慎所主。
與賜陪主姓。何如大廈柱。寬按春水之春原作汴從月評改之

月性云。汴字為落結。隋主張本。然以予視之。改作春字。削去結句為可。○又云。全篇學白樂天。而酷肖者。衲則不喜也。○憂菴云。題目亦香山。○又云。吾則欲并刪寄語二句。

喜叔父王先生從弟毅甫歸自相戍。二月十五日

年來多作客。已又為俘囚。荏苒四五歲。東西春又秋。
僅餘夢寐際。時從父兄遊。去臘始歸家。養病故山陬。
爺孃並健在。慈顏轉溫柔。兄妹各抱子。戲笑皆啣叻。
歡餘愁又結。君尚天涯留。邊海雖無警。瘴烟昏戍樓。
書每越月達。三千里程脩。夙代不知期。關河思悠悠。
今日忽驚喜。君歸自相州。風日面黧黑。未白未童頭。
從行吾阿戎。長大力舒鉤。月性云。三字樂天恐不能言。闔族交來

賀卮酒相獻酬。一堂多年話。喜極悲淚流。君笑語族人。倦矣吾將休。山中春應好。勝為萬戶侯。寅也心最降。若在身病瘳。聊序天倫樂。於世復何求。月性云其然。豈其然。

月性云亦白傳遺響然此則序天倫事真清真詩不得以白俗鄙視

送小田村士毅成相摸。兼寄其弟健作在江戶。

二月念五日

嚴譴禁錮身。與世全謝絕。故舊斷音書。門巷無軌轍。獨有村士毅。堂々文場傑。吾家為姻族。交情特懇切。書策通乞假。文詩交論列。今日君東征。嗟吾奈單子。譬如離群鶴。籠樊翼亦折。因憶三年前。吾始繫縲紲。

檻輿送江都。叢棘苦幽閉。君家賢兄弟。極吾於兀臆。賢弟尚留東。益知砥竒節。議論驅風霆。文章斷鋼鏡。不似挫折餘。一室守迂拙。方思賢弟時。與君又離別。君東見賢弟。為吾歌此闋。

月性云此稿五古比之徒前諸作頓覺衰弱不振蓋白詩害之也

感時事作二月廿七日

東夷北狄蔑神州。開國已來一大變。石晉權宜甘割地。趙宋怯懦畏交戰。億兆憤懣達天子。明詔大降紫宸殿。夷狄豺狼不可親。其鎔梵鐘鑄震電。征夷奉詔令天下。德之流行速郵傳。普天率土王士臣。聞詔感

奮舞且抃。如何邦國梗其化。爾來三年徒燕々。吾在幽囚怒難平。怒極悲生淚如霰。嗟乎天子之詔征夷令。風動不及驅蚊扇。堂々藩翰士大夫。木偶土偶具顏面。草間若有豪傑興。奉詔承令衆民。罔。往向邦國討亡狀。邦國何辭鎮蜂煽。不如及今。迪果毅。奉行詔令。答天眷。鼓鞴鑄成大礮銃。梵鐘佛具從鍛鍊。妖僧奸民執迷者。草薙禽獮下誅譴。推尊朝廷重幕府。大義赫赫天下見。然後神州復一新。東夷北狄仰赤縣。

月性云。蓋寫此詩似顏山翁。○又云。詩語亦正々。亦堂々。○又云。如何已下。滿腔憤懣。不覺大聲疾呼。然不知是則不足立懦頑也。○又云。嗟乎二句。時事亦可知矣。○又云。數詔字足以悚動諸藩當局。

者。○又云。草薙句。衲則免於草薙矣。呵々。○又云。此篇乃公之本色。忠憤之氣。感動讀者。使欲拔劍起舞。敬服敬服。○憂菴云。古來獨步。氣吞天地。與澹菴封亭。孰軒孰輕。○又云。予讀此詩。或驚。或悲。或泣。或笑。或感。或怒。或起。或舞。乃知多少。情景。具在此中。○又云。此詩未必無疵類。予欲一一指摘。反覆諷誦。奈何。一讀之後。憤惋切齒。手不能持筆。乃投筆而擊地。○又云。怒極悲生。淚如霰。一句。讀此詩者。亦皆不得不然。

伐櫻贈人

提刀一朶伐山櫻。雪白飄々毛樣輕。此是神州花木長。芳魂不愧老松貞。

月性曰。次芳韻曰。故人我後園櫻。一朶香雲不可輕。百里携歸。花不散。亦同名士。節堅貞。是政。

病中書懷

五月十一日

年々伯玉覺前非。智勇並窮甘世譏。一夕風波令計
蹶。畢生功業與心違。潛蹤群虜奸謀遠。弛備諸藩銳
氣微。高枕養痾幽室裡。黃棋兩鎖讀書帷。

月性云三四無限感慨第五
句巨眼然犀但惜微字不振

清狂評論至矣盡矣。予輩黃小。吁亦何言。今妄
下批評。自竭其悃實耳。仲由之諫夫子。其意豈
可罪哉。幸其恕焉。

安政戊午夏日

口羽通琦妄評

獄中作

以下六首旧稿

伏鑽取將相。當誅為儒宗。嗟吾遇困辱。昔賢不可踪。

駕外侄篤太降誕

汝父為儒夙絕群。汝有二叔皆名文。汝之外家世好
學。汝之生如有宿因。近世薄俗尚輕俊。坦々大道生
荆榛。汝已得名稱篤太。篤太能篤令俗淳。吾聞古人
重胎教。能令生子才過人。况汝口泣目能視。吾為斯
言汝必聞。

月性云尚輕俊改
作行由徑何如

讀白井九郎右衛門絕命詩。因次其韻哭之。

白井字
子祚

矯々壯士死天隈。垂死病中尚思魁。絕命一詩魂不

滅勝他身在志先灰。
君恩欲報不知隈。多士叢中誰是魁。如今獄裡聞人
訃。竹帛功名志頓灰。

讀家兄西歸沮風詩次韻寄呈。

遠戍山東今始還。家庭消息雜胸間。獄中時誦阿兄
句。神往韓人峰下山。

月性云。
費解。

余寄阿兄書中。有生不如死之語。傳覽爺孃大
煩慈念。因上此詩解之。

青年豪氣不知艱。只把死生一樣看。庭闈豈料傳狂

語。遂使雙慈轉減歡。月性云。不
可無此解。

丁巳 安政四年

偶成時謀富永有隣脫獄
為諶邪所問不成。

井上梧桐一葉秋。浮雲白日動清愁。三餘寂寞七生
事。一室慨慷千古憂。烏子學鷓多溺水。牙人矯角適
傷牛。剝知拂亂將降任。寧向天人說怨尤。

月性云。五六用典切實。
長三洲云。降恐反用。

題自畫肖像示默霖

上觀三千年之往古。下開三千年之來今。左踏西洋
之極。右踐東海之垠。天日戴首。皇道存心。噫。同斯志

者。宇宙一默霖。

三洲云。垠字古韻。

酬粟屋彦太郎

幽囚與世永相辭。泰華安邪累卵危。長劍知君帶奇氣。好將籌略報明時。

月性云。泰華恐倒置。三洲云。華山之華反用。

思友夢殘無所尋。空庭蟲語露叢深。孤囚寂寞身空活。卅年辜負百年心。

三洲云。末句失粘。

示人

一飯君恩不敢忘。寧因艱險變心腸。請看東嶺老松栢。斬伐何辭助廟堂。

朴銘外叔久保翁囑。寬按。朴今猶藏在久保氏家。

匪敖匪紆慎乃章程。其或不順朴作教刑。

月性云。古撰得體。

松下村塾聯 同上。寬按亦在久保氏今不詳所在。

自非讀萬卷書。寧得為千秋人。自非輕一己勞。寧得致兆民安。

次坪水哉翁仲秋詩韻二首

伴月美人情獨濃。仙宮攀去路重々。塵寰愁喜不臻

處絕世別窺水鏡容。翁詩二首、一言愁、一言欣、故云。

人間交態淡還濃。大氏登天墜八重。一醉請君聞我語。月華依舊照清容。

追和無名氏唱和詩併駁之。唱詩云、位卑官微、吾任輕、俸錢聊足。

代躬耕和詩云、鉗默休說、胸中事、附與鳴蟲訴不平。

家國分明重與輕。士夫之職異躬耕。夜深寧識鳴蟲意。俗客由來少不平。先是、予論事因曰、イトツムク、ヲトニヅマリテ、キリギリ、ス。

促織哀咽、而紡女已眠、世寧有悲、是者哉、和詩蓋嘲此意、故重責之。

九月十八日作并引

予癸丑年西游將入海。以是日發江都。烏山確

齋與永鳥三平。追至品川。一醉而別。時予心期三年而還。實當今年。今年七月二十九日。確齋久病不起。至是訃音始至。併記感愴。

月苦露氣重。秋深蟲思愁。愁人耿耿寤。今昔感何休。是日將入海。實在癸丑秋。甲寅與乙卯。翻為圜土囚。入海吾初志。三年功可收。寧知時不利。蹉跎負素謀。感傷不獨此。又聞訃鳥叟。鳥叟古之人。於世無所求。無錢酒易竭。不仕學殊優。誓古心常苦。傷時病不瘳。自稱忠臣裔。詎肯混時流。愛我麤狂性。捐吾為儕儔。思吾為囚後。叟荐遭戚憂。從弟先奄遊。慈母挽不留。

今也叟亦亡。如露謝草頭。吾心不可寫。天道不可尤。
死生雖路異。誓與護神州。

挽烏山確齋

幽閉秋深多感傷。天涯又遇訃新喪。獄庭半面人千古。盟社三年夢一場。孤墓來祠遙骨肉。生芻往吊隔參商。知君身後關心事。傳世忠魂在尊王。

詠史

始皇築長城。暴秦其亡忽。山東豪傑興。乃是謫戍卒。
孝靈刻石經。炎漢亦燼滅。黨錮羅群賢。正氣久已竭。
炎漢與暴秦。脩短事均歇。石經兼長城。萬古空突兀。

邦家文武器。誤為亂亡屈。志士悲慨多。讀史意鬱鬱。

書有隣詩後贈秋良敦助。

一篇詩賦見精忠。擊膝狂歌氣象雄。天下賢材今日急。是人寧可死囚中。

除夜讀後作。示德民榮太二生。先是連夜與二生讀。率常徹曉。是夜課書未畢。已報晨餐。相對稱快。德民山代醫生。來寓吾家者。榮太乃隣舍兒也。

敵國未滅。歲又終。一心百感。交相攻。龍去蛇來。常事耳。其奈羈勒死鉄驄。永鳥已放宮部罷。啓藏先逝新

三同。同好更有永有隣。饑寒守歲岸獄中。是皆駿足
一敵萬。天何猜忌馳突功。其餘三兩駸々者。得機逸
去失勢慵。未見衰漢賴清議。早已弱宋甘和戎。汝輩
力學獨起予。此夕將艾烟兩腫。二生同庚好匹敵。才
力况又不相降。博學祇應及弱冠。不妨入學踰成童。
滎太論兵重形勢。多汝再度入江東。德民鑿師當鑿
國。且嘗百草師神農。離鄉來托志可見。隔牆昏居情
豈空。吾得二生稍強意。且喜明朝韶韶光通。

新年大雪有作亦丁巳稿
在下也

去歲梅開竹徑隈。先春々信喜相催。今朝風雪昏天

地俗客何心拜賀來。

憂菴云。戲作一詩云。俗客胸中豈有春。義卿心際
局無春。萬年天地生成意。開眼四時皆是春。呵

卧病自警。時滎太亦病。因書贈之。

鴻業多艱難。寧無一死地。糜粥調腸胃。湯藥委鑿治。
養銳在平生。慎勿將病戲。

憂菴云。此詩自佳。而月性不取。何也。予加一圈於
題上。持表愚衷耳。○又云。人生生物也。居常不能無
病。必欲無病之人。則百年人生護病耳。是今士太
夫之。所以常服藥石。又今之鑿家者。流之。所以白
聖其室也。故謂人自疎其節制。
每服藥石者。亦以病戲者耳。

題自畫菊二首

藍本眼穿描菊葩。葩々渙散不成花。千縣百郡解如

瓦。豪傑寧無末路嗟。

又

東籬一朶菊。晚節帶清香。晚節猶能貌。清香不可相。

憂菴云。東籬一詩。如有意。如無意。深意寓其中。薛婉而趣雅。至其妙處。則作者不自知。

有隣有憶。余及亡友。澁木生詩。因次其韻為答。

且為生代言。

地醜德齊。莫能過。小人齷齪。誤國家。富強無策。禮教廢。陵替邇年。幾倍加。儒林未見收。秋實文苑唯知闕。春花武備縱。今繕盾甲。民業誰解憂。桑麻驕虜開。市因請地。神州不惜舊山河。東藩久屯九重膏。兆民空

唱上天歌。

今上皇帝。憐民。憶夷。御製。天下莫不知。

感茲三緘。當世口。寧

從英雄學。叱咤澁生。早計翰飛去。墓門松栢綠。娑娑

生者哭。死夕者笑。死也猶勝。困繫囚。獨倚松陰望。守

宙。生死得共兩呵夕。

憂菴云。生者已下。豪懷。可喜。月性。加句。圈真當。

三月念三夜。孟子會後。與知新榮太德民賦春

夜小集。分題為韻。余得集字。

三兩會同人。遺經相講習。俗流非所期。古道跂難及。論志情交投。課詩思獨澁。春宵轉易殘。何以酬清集。

同夜得酌字。示三生。

為我揚雖私兼愛墨非惡告子頗剛腸獨惜少實着許行亦一家足以振文弱下車搏猛虎酷勝隣為壑去隘除不恭還恨執子莫讀書尚適用聚首細參酌

憂菴云雖見結構之巧非所謂詩者

詠史 并引

讀明良洪範得中院通村公及吉川義武右衛門事因作

吾厭觀今人退從古人遊古人多奇節敬慕足千秋吉川義武氏膽氣原無儔時平苦無事托蹤市井幽紅毛齋書到幕府期自投崎鎮諭不聽殆將貽國羞

義武奮身起銜命到夷舟按劍立疾視容易取書收吉川真義武一怒壯神州堂々中院公衣冠更風流一為東藩使倔强陷幽囚將軍問歌道起囚禮意優曰吾不知歌強之不可求三年事始解放還身未休復登台槐位魏然荷皇憂千葉護皇基萬里懾夷酋貴賤雖異等忠義各自酬作詩祭二公二公享我不

憂菴云吉川中院公各序十二句吉川真義武二句似詠吉川其實特上下過脈耳是文章妙境史遷神臆○又云真字起更字義武字照風流字讀者恐不知作者用字苦心○又云千葉二句筋力差薄前已有吉川真義武二句為過脈則皇憂直接貴賤文險而意圓

初夏卧病

浴沂節已過。四月逢初吉。麥天晝漸長。正是讀書日。
何如抱病身。重裘伏幽室。幽室甚無聊。百務渾廢共。
瓶花盡飄零。積塵滿書帙。長晝苦難消。招盤論治術。

憂庵云。肖彭澤。而非彭澤。似子瞻。而非子瞻。自是吾兄詩。○又云。到頭皆學。

養蚕

蠶織神世遺。輕煖誠可人。五畝各環宅。植桑葉蒸之。
織成萬端帛。足奉天下親。何如松下邑。蠶事近不振。
牆下豈無桑。或伐代束薪。吾獨排眾議。試養不憚煩。
兒童亦致力。摘條走四隣。蠶事妨學事。先期荒三旬。
雖則荒三旬。聊贊造化仁。欲為一邑先。以報天神恩。

賀周布氏孺人八十

代家兄

劉郎母老作流人。屠伯姬歸終覆身。一郡仁風周氏
慶。養來八十令萱春。

偏見

吾友中村道太。目余為偏見士。予有深感知已
言。作短古。

憂菴云。深及作短古等字可刪。

偏見遭人詆。而不肯自悔。驥騏卧草茅。枉逐麋鹿隊。
及其臨敵時。知進不知退。所以繫槽櫪。百年永錮廢。
雖則永錮廢。千里壯心在。陶侃甓或運。安于弦常佩。

憂菴云結句自有悠遠之趣

為歌夷齊高。戒陷微箕悖。攻異一管筆。好辨三尺喙。美酒不適腸。苦茗好潤肺。歌舞放鄭衛。諷誦寄嘆嘅。彼人知我者。口詆心乎愛。感此默然坐。獨與青山對。

偶成時家大人有公事如山口。

黃梅節近麥全黃。蠶事初終農事忙。父蠱暫時聊幹

主。小園稼穡費思量。

憂菴云黃梅節近四字予已加批點反覆誦之不甚佳改作綠桑陰暗以照農蠶字似可點又云近時詩人者流多此種作然大抵虛構摸擬耳吾兄之詩真情吐出此等詩樣却覺其妙

松洞生贈自畫牡丹詩以酬之。

頑石挨牡丹。嫣然國色呈。桃李非吾偶。春事不敢爭。

甘落群芳後。永擅第一名。佳人一幅畫。寄託無限情。

憂菴云吾兄詩往往似坡翁○又云兄送玄瑞序云朱元璋之蕩掃胡塵可以無憾甘落二句其意差露

養貓

為患群鼠害。買得小狸奴。狸奴無能甚。徒知貪鮮腴。養汝本有用。素飧何為乎。老鼠夜盜肉。何不行磔誅。

憂菴云老鼠通幻能魅主人狸奴不能如之何亦宜

道太次偏見韵見寄重押言志

馮道道稱廣。終身不如悔。胡廣處中庸。豈是聖賢隊。避世金馬門。曼倩進為退。猷諛望夷宮。叔孫興知廢。

朱紫雜苗莠。真贗自知在。婦宜針縷佩。農宜耒耜佩。
敬他禮則悖。愛他德則悖。行已寧關人。四乳與烏喙。
唐介背發疽。杜甫老病肺。壯士不得志。偏心輒嘆嘔。
百齡人生速。一身不須愛。是天詢無窮。蒼々何以對。

閏月初九日道太松如來訪快論半日遂徹夜

而後去去後餘興未盡時道太見贈岩扇一把

三四樓亦托松如贈筆墨及其手製新茶狂言

併謝

龍飛兮上下天。驅雷霆起雲烟。虎嘯兮生八風。鯨吞
兮竭百川。故人憐吾無能。四物併投吾前一揮再揮

風起。六椀七椀骨仙。毛陳巧掣雲龍。衆遊瑤池蓬山。
夜與榮太德民賦分品。衡州文章拋盡愛功名。
句為韵予得盡字。
吾生三十計矛盾。功名早已欲拋盡。却是文章心未
灰。高壙一射篋翔隼。

憂菴云
翻案

聞坪水哉翁出政府轉問職有此寄閏月十五日翁為御

撫育

時艱俊傑世爭須。起廢一朝參廟謨。苛法除來物情
穩。震患救處勢炎驅。江山風月德音近。澤瀉章衣恩

寵殊。千古急流難勇退。水哉亭下不名虛。

王昭君詞用晋石季倫韻 并作

昭君入宮不幸請掖庭令求當句奴請後漢書
所載明白而石季倫已下唐韋端已宋歐陽永
叔王介甫等詠昭君者率多哀怨之辭殊不悉
其本志盖西京雜記之說害之也今予特揭而
詠之昭君有知當一笑于地下耳

人生功名重。碌々死掖庭。寸心君不識。搖々如懸旌。
憂菴云第四句似古人語秋深憐月色。晝永悲鳥鳴。不信滄浪歌。
清兮不濯纓。如是幾春秋。怨滿長安城。
憂菴云如是二句改作邊

防苦甲士愁怨呼韓適求婚。自請列籍名。豐容驚九

重。去取關氏榮。單于益親附。塞馬不復驚。安國兼滎

己。酷勝中行生。世人寧知是。誣安史冊盈。胡平漢亦

替。寂寞驃騎營。憂菴云胡平二欲歸不可得。胡俗重

蜚英。正義雖詭矣。異與秋草并。憂菴云秋草至今昭

君村足發詞人情。

呼韓邪死。昭君上書求歸。成帝勅令從胡俗。遂復
為後單于關氏。見後漢書。昭君村在歸州東北四
十里。見白氏長慶集註。四式一誤

聞權介。滎太德民。龜太說有隣。脫獄狀。作詩寄

有隣時七月四日夜四更也。

荆棘五年初得脫。脫來葛藟苦尤殷。平生學問至斯見。談笑坐當羆虎群。

東籬一詩。千秋絕調。吉川真義武二句。補序過脉。深得法度。一見無他語。二句。杜子美之外。雖古人。此等轉接法。不多見。敬服敬服。

但如孟子會後作。二首皆為降格。雖意匠經營。体鄙而詞淺。刪之為可耳。

安政戊午夏日 羽通琦妄言



送中谷賓卿訪佐世八十郎于船木。遂訪伊藤

靜齋于馬關。

虜使膽如盆。幕吏茫無計。無計非無計。奸情瞞又瞞。世非無忠臣。百方艱巨濟。雖則巨濟哉。吾心匏尚繫。南郡二丈夫。其人美而慧。賓卿往問之。悲風故切切。

次菽野時行即事韻

棟梁之用自生初。松柏何嘗煩耨鋤。只為塵區無著處。埋頭且讀古人書。

時行常嘆無知己。此詩擴之。

載物揚舟重又輕。石金絲竹樂和聲。絕絃非是英雄

事春海汪々一鏡平。

室津小方一衛門來訪賦贈。

方翁五十三。飲酒如長鯨。醫曰酒不利。不飲譚何生。
三盃未半酣。氣已吞八紘。

一衛門出木刀請銘

方翁瞿鑠。志雄氣豪。家誇名族。多藏寶刀。顧帶木刀。
向我揮毫。曰時未至。神物深韜。一旦機會。是乃虎嘯。
虎嘯龍躍。風吹二毛。

三月廿六日。村塾飲錢賓卿。時僧提山亦將有
行。併送之。

村塾開筵餞二雄。雄譚吐屑趣無窮。遊方不管糜年
歲。威武唯當揚國風。興復寧無敵王愾。和親未可弛
吾弓。江山養氣男兒志。先卜它年不世功。

寄題嵩左荻野氏鶴居園

名園久貯鶴居名。題鳳無緣慰素情。主翁霜鬢高風
格。想與仙禽締舊盟。

示宇野精藏

吾人有英氣。譬之江有舟。可載萬斛重。以凌千里流。
嗚呼斯氣待志故。挺特行舟全賴楫舵力。

示內藤與一郎

七子來兮來自嵩。嶄然愛汝秀其中。高山突兀冲天際。氣宇誰能與此同。

送別

拭目僅三日。何況經幾旬。所以昌黎謂。寄書唯有頻。

示河北生

稱義次郎。寬按後改俊弼。今現任陸軍中佐。

汝勿恃才勿玩年。直將性命與書捐。一生碌々庸男子。每遇功名嘆逝川。

偶感答友人

吾身與公身。萬條繫鐵索。是自憂國言。到底非戲謔。誰知雙龍氣。夜々冲碧落。

示山田生

稱市之九。寬按後改顯義。即明治山田參議也。

立志尚特異。俗流與議難。不顧身后業。且偷目前安。百年一瞬耳。君子勿素餐。

贈荻野大谷二生

荻野名時行。稱隼太。大谷稱茂樹。後改撲助。

時機往來頻。隨失復隨得。焉何發揚失也。何屈抑。鬱鬱澗底松。春秋不改色。

送周布公輔東行

周布公輔。稱政之介。後改姓。稱麻田公輔。

武士雖死矣。顏存櫻花紅。是自神州男子語。吾曾得之演史中。萬方多難勞廟議。爰就沐蓐起周公。周公奮曰死一耳。死蓐何如死國忠。二百年來恬且熙。吾

士顏色久已空。庸人偷生々猶死。死也猶生是英雄。
時維五月公疾去。櫻花落盡綠濃濃。

示岡部富太郎 名利濟字子楫

何物增人智。天下無如書。讀書不增智。何若鋤園蔬。
國家今日士有用。岡生汝勿甘散樗。

示山根武治郎

學業有章程。妄意勿上下。源泉科皆盈。混混不舍夜。

示人

乳虎穴中子。驪龍頷下珠。至寶難輒獲。望顧何為乎。
死中乃求活。堂堂大丈夫。

不能李將軍。不欲東方朔。蚕室亦自佳。織成一家學。

日下實甫。次赤川淡水偶作。見寄示自江戶時

中谷賓卿將赴上國。追步其韻以為贈。賓卿及小國別

藏、菽野時行、增野德民、皆有和韻

艸莽尚能戀帝闈。群師何不贊皇威。墨夷反覆情難
測。豫備勿使污邦畿。男兒碌碌生在此。何若沙場快
一死。中夜荒雞鳴不惡。慷慨吾欲蹴君起。相送東望
有啓明。到處知君有逢迎。茫茫王土幾男子。勿負王
臣報國情。

偶作

李世威權歸將門。將門受侮屈夷蕃。九重勅發萬邦震。今日始知天子尊。

秋良敦之助來別時。崎陽有尹夷警先此墨夷亦來焉。知兵交不遠賦此為別。時七月三日也。十年忘年友。今日復相逢。老氣天地窄。雄談驅虎龍。四泮驕鯨鱓。邊亭頻傳烽。幕府寬柔甚。勅旨發九重。九重勅旨發。諸候未知從。南郡有君在。勤王第一鋒。

答岡恒藏見寄

休將往蹟說甘酸。志士百憂何日寬。君辱臣生今我耻。幽囚不敢羨林巒。

次韻口羽德祐見寄

天使向神宮。殉國至尊淚。晉侯主和戎。辜負彤弓賜。四國思勤王。尤推吾公志。日召大小臣。寬假咫尺地。廢錮蒙登庸。幽囚及恩意。奉勅驅醜夷。欲破優柔議。口君病何如目。涉山水翠。獨善雖可娛。君難臣豈避。

新涼示原田生 八月十一日

夜來一雨爽新涼。辟易蚊軍吾氣揚。晨起試舒韜略。讀論臻陰秘坐如忘。

偶作

吾觀讀書人。面目誠可惡。國家方版蕩。洋洋奏韶護。

利害僅鴻毛。左右忽狼顧。囚窓憂目蒿。九重渺雲路。
失題

四夷交侮予。國耻不可挽。堂堂大八洲。皇威日益損。
三餘是我身。一死既太晚。

又

有時兼有勢。又有應事才。然而滿世士。只言有后災。
神勇將陸沈。時乎不再來。

九月盡日。讀書有感。

見幾不終日。綢繆備雨霖。豳詩與周易。世無讀破人。
短褐秋風老。葛屨唯自珍。從今三十日。繁霜將逼身。

書感

今皇神武振古無。勅諭正大逮海隅。海隅蒼生皆感
激。東夷北狄待來蘇。何如將軍歿兮群牧沮。內奸連
結引外胡。嗚呼草莽有臣君。知否。五港風急野航孤。

送岡部子楫遊長崎

方斯多事日。君獨向西行。西行是何意。洋陣學步兵。
勤王一戰君自任。赴赴武夫公干城。

又

吾觀今世人。虎皮而羊質。此行皆精銳。洋陣志毅率。
岡生汝有才。切勿自暇逸。材技何足言。勤王期第一。

寄無逸

吾廬與汝廬。徒隔一墻居。契濶如千里。音信只尺書。
待吾岸獄去。當汝羅網除。謝人書味遠。杜門世情疎。
此况豈不美。其何國事如。聞說九淵底。龍化失水魚。
獮獺笑其側。豈乏蚌鷸渙。誓傾北溟水。往注龍口渠。
九月念一日作二首
殷商方沸羹。吾獨事坐讀。書中遇古賢。興亡交歌哭。
悠悠今之人。膽烏于誰屋。
今皇不世資。聖明揭玉燭。夷情甚暗黯。早已悟深毒。
何如征夷府。不曾顧國辱。

送來原良藏往長崎

特為壯士督。往將問狄鞮。君氣元旁礴。洋陳學止齊。
豈比陳濤邪。拘古徒齊。○從行又有人。非是李家奚。
乘此小春好。踏破海之西。

將赴獄留題村塾壁

寶祚隆天壤。千秋同其貫。何如今世運。大道屬糜爛。
今我岸獄投。諸友半難及。世事不可言。此舉旋可觀。
東林振季明。太學持衰漢。松下雖陋村。誓為神國幹。
將赴獄贈子遠

維歲戊午冬。臘尾餘五日。罪人廿一回。行將繫清室。

天風吹雪狂。此日故凜冽。此行頗有由。親朋及羅畢。
新知子遠生。於我如膠漆。具有忠孝資。講究尊攘術。
身賤志尚高。處囊時穎出。保子溫玉如。佐生利劍匹。
二人舊且親。得汝戎勿恤。奸猾弄權國。是遷人唯好。
官要多錢好。官多錢任汝作。嗟吾數子如倒縣。倒縣
倒縣何用解。九臯群鶴聲聞天。

余之將赴獄。子遠諸子坐囚于居。子遠寄書云。子
之面目。難可復見。可見子面目者。其唯文辭邪。願
為留一言。焉予戲拒之云。吾不善畫善書。者松洞
生。向寫予面目。面目可見。何必文辭。然猶贈此詩。

東此詩漫語耳。欲落句。則沾沾自喜云。

將赴獄。贈佐世八十郎。

吾儕報國志。滿世人不知。雖則人不知。蒼天將知之。
直將區區身。去築神州基。人事有通塞。天道奚復疑。
衝雪向岸獄。此事絕世奇。佐世同志士。我故寄斯辭。

寬云送中谷賓卿以下諸作。當多佳者。獨惜未經先輩批評也。

戊午 安政五年

新年三十短古

新年與實甫分賦平聲。余得下平。

梅為百花魁。春香十分宜。人誰豪傑徒。能為天下先。
此身幸未死。訟例迎新年。

新年頗無事。無人到書寮。寮中有二子。鼎坐同吟謠。
暖雨雪融早。何處射早鵞。

射鵞吾有志。蹉跌萬事拋。干今四五年。不復窺四郊。
且酌屠蘇酒。野調當嘉肴。

嘉肴雖堆盤。何如野調豪。吐露滿胸慨。附與一兔毫。
吾願汗馬績。不願口舌勞。

口舌與汗馬。折我竟如何。幽囚老將至。考槃矢弗過。
東武三義士。砥柱支奔波。

奔波日以劇。我心乱如麻。收拾舌三寸。讀破書五車。
英雄自古爾。一龍又一蛇。

龍蛇時伸屈。吾心遂不忘。狐狸且逞威。何況豺與狼。
侍憲獲國士。尔勿負士望。

國士已難獲。何況天下名。有名乃無實。不足當長城。
畫像具眉目。妙處未轉睛。

妙處稀人識。百年半醉醒。書生多迂腐。皓首守一經。
兵法不竟學。此人垂汗青。

汗青何足道。亦匹文章稱。男兒生此世。軒然須起騰。
蒼蠅滿天地。孰與圖南鵬。

圖南謀一跌。琴書且慰憂。達人不可思。長江不可洩。
鶯花春如何。山河帝皇州。

帝皇神器在。振古迄目今。朝紳久無事。野人抱膝吟。
青雲原遼廓。寧諒戀闕心。

戀闕心未切。都如酒半酣。神孫三千祀。皇化萬邦覃。
今日養國步。寧可附戲談。

戲談為俗易。庸醫使病添。人孰辨真贗。世渾從涼炎。
寄語干莫劍。勿漫弄銚銛。

鈎刀與干莫。一樣藏寶函。東風未和日。柳眼深自緘。
新年已二日。白駒仍舊颿。

實甫得上平作斷句。予乃用短古步其韻。

人老奔競裡。歲新花柳中。嬾芽與碧蘂。已受駘蕩風。
奈何俗子腹。與春趣不同。昭按嬾恐嫩

松陰我靜處。春秋不改容。何比桃李樹。花葉時淡濃。
此心獨自負。堪向公侯供。

憂時獨寤宿。褊心不可降。黃鸝時睨睨。旭日透書窗。
鄉原今多少。恐過足音跂。

天地雖廣大。雨露尚有私。惠風自東至。柳展半面眉。
賦命有厚薄。志士勿泣飢。

回顧卅年事。心事未全違。前不死藩憲。后不斃園扉。

却怪僥倖士。動輒歌是非。

燕婉求未得。戚施與蓬蔕。誰昔皆再尔。得喪不意如。誰知窮達命。豫讀十年書。

忠臣固不知。吁咈著典謨。唯因聖主在。儆戒自無虞。寧有明末路。廟堂戰爭區。

澆季有寸美。輒為小人擠。寶刀空開匣。水未試鯨鯢。悲夫一死後。竒毛睹象犀。

落句冒
藜全句

春日載遲遲。黃鳥正啾啾。塵埃滿城市。未容汗山齋。齋中高卧士。煙露自沉埋。

烏兔丸交躍。容易歲月頽。讀書非不廣。廿九心尚孩。

今朝忽發悟。怡然笑顏開。

事雖半古人。功則倍古人。不唯七雄際。思之心悲辛。何如今君子。明哲巧保身。

攸貴天下士。為人解糾紛。而不肯有取。義俠絕世群。虜謀新行智。勿誤藉為薰。

木馬不可嘶。石牛不可奔。士亦有類此。於世何輕軒。吾聞古豪傑。人存國隨存。

征夷果何意。似全無心肝。連橫戎秦策。志士徒長嘆。燕國憤難忍。寧不思軻丹。

幽囚不可出。坐對遠人山。山鳥似慰我。來鳴庭柳間。

安藤小宮宗室下

御子神藏書

明治十六年三月廿四日版權免許
同年十一月刻成發兌

著者故人

吉田義卿

出版人

吉田庫三

山口縣士族
東京麴町區富士見甲壹丁目一番地

京都府平民

製本賣捌人 田中治兵衛

西京下京區第五組寺町四條上九三六番地

大阪北久太郎町四丁目 柳原喜兵衛

同 心齋橋南壹丁目 松村九兵衛



東京	日本橋通二丁目	稻田	佐兵衛
同	南傳馬町二丁目	吉川	半七
同	大傳馬町二丁目	東生	龜治郎
同	兩國吉川町	島屋	一介
同	神田五軒町	小笠原	書房
出雲	松江本町	園山	喜三右衛門
長門	萩瓦町	松原	喜兵衛
周防	山口宮市	宮川	臣吉
加賀	金澤安江町	近田	太平
越中	富山西町	大橋	甚吾
尾張	名古屋本町	川瀨	代助

010190526637

